



汝州全志卷之九

祥符縣舉人

趙林成

同纂

知汝州事三韓白明義

鎬駝荆棘金谷邱墟興廢之由古今同慨然而風流未邈則
警欬如親踪跡所留則山川生色此吉光片羽固歷千載而
不磨者也至夫三尺崇封一抔荒土若敖其餒愴懷寒食之
魂翁仲無言憑弔夕陽之影禮云未施哀於民而民哀之豈
不信哉乃若青牛西去白馬東來二氏之興由來久矣汝近
嵩山素稱福地今仍前志而附登之亦足以寄今昔之感云

1005

30.4.14

RN71/1286/08

廣成城

在州西崆峒山黃帝問道於廣成子處

父城

殷時應國左傳楚城父城史記秦惠文君與魏王會於應卽此在州東南今屬寶豐爲父城保王尙綱詩一夕商飈草又枯輔陽城郭盡荒蕪香山西去汾圖在龍水東來野廟孤舊市新衢多寂寞斷碑殘碣盡模糊前邨酒好堪浮

白欲問莊王事有無

霍陽城

左傳哀公四年楚襲梁及霍杜注皆蠻子邑漢立霍陽縣因山爲名在州東南二十里霍山水經注又

有霍陽聚舊志未詳今攷註疏補人

周承休城

漢光武封姬常爲承休公主周祀舊志多杲字誤

賈復城

復擊酈時所築一名通鴉城在州東南一百里

孫光普城

通典云在梁縣西南

汝北城

高齊置郡後改汝陰後周廢亦名王城

梁王城

梁王避暑處

臨汝城

唐置縣屬汝州在城西南六十里

子城

唐宋元時汝州舊治在城西北

麻城

州東十里東西有二背山面河形勢雄壯相傳宋時有麻王兄弟者結黨聚眾各據其一爲犄角之勢以

窺京輔朝廷命狄青率師討之師次大悲寺去麻城八九里俗呼爲狄青嶺者卽其屯兵處也今遺址尙存居民耕耨其間時獲金銀鎗鐵劍銅錘等物則二城爲昔日麻王所據當不誣也

蕞狐聚

秦遷西周君於此在城西

陽人聚

秦遷東周君於此漢孫堅破董卓之地在城西全軌詩千載陽人但有名遺民紫縣傍新城條枚猶話魴

魚根碑向成

陽惜子墓

蠻中聚

通典云卽戎蠻子國俗呼麻城在城東北官莊保

祐公壘

高祖入關世祖西征皆駐此在城東北大劉山

望嵩樓

在今州治後年遠無徵有以北門樓額望嵩當之者
有謂今之玉皇閣是其舊基者金志且形之歌咏
之記文乾隆辛酉州守宋公名立修大街舊學宮獲
覆井石刻元尙文懿公野判州時望嵩樓記也甚詳
聊蓋明初建學學卽唐宋州治其石移嵌州治西闕
存古軒壁中張文潛詩云臨汝城中春雪消望嵩樓
上對岵嶺已掀氛霧看孤秀又挾春寒上沈寥又劉
夢得送廖彥謀詩舊志及碑刻均訛作參謀詩曰九
陌逢君又別離行雲別鶴本無期望嵩樓上忽相見
看過花開花落時繁花落盡君辭去綠草垂楊引遠
路東道諸侯皆故人留連必是多情處又尙野望嵩
樓記汝郡多佳山水嵩高不遠百里得天中

氣爲多公願後圃舊有望嵩樓并刻二十景
花塢之屬不與焉今頽毀幾盡而石刻尙可攷惟望
嵩樓巍然獨存然莫考其昉于何時讀劉禹錫詩有
望嵩樓上忽相見之句相傳建自唐然究莫知其詳
也今年春南陽太守王公伯堅勸農至汝稅駕斯樓
俯臨汝水周覽少室風穴崆峒魯陽諸山而得望嵩
之所以然頤予曰可以樂飢矣丐余數語記之予因
休沐必登斯樓汝之山水橫陳環繞如朝覲然是則
山水爲斯樓所有久矣斯樓之所隸卽山水之所隸
公愛斯樓卽愛山水也仁者樂山知者樂水可知一
邱一壑無地不可以悟學問苟無學問不足以治民
也嵩山有隱室以吾言爲是耶至元二十四年夏五
月辛亥尚野記又屈啟賢序云乾隆辛酉春朱明廢
學之艮隅崖頽舊井出上覆片石摩挲讀之爲至元
二十四年判州事將仕郎尚公野所作望嵩樓記也
蓋自金元以來中原多故巽宮官屬鞠爲茂草者多
矣朱明定鼎紀綱維新建學於斯建州治於城東隅
而望嵩樓遂以訛傳訛不可考矣今得此石信而有

徵爲白於郡伯宋公樹之新州堂壁俾興廢之故後
人有所考云又寶豐宋六經望嵩樓賦以登樓晴眺
挹秀嵩山爲韻海日東升天半雲蒸衆仙之窟百靈
所憑四圍屏疊六扇窗凭金碧影眩虛白光凝簾波
蝦活簷翼鳳騰解飛仙佩邀明月明天風有意吹我
先登臨汝之北厥有崧邱首冠五岳作鎮中州鳴雞
峯頂飲鶴池頭峽門雖晴而亦雨石室無春而不秋
左辛夷石右太史洲曰致雨曰虛舟曰凌波曰環流
皆足召千里之勝景而收百尺之飛樓或曰夢得始
建或曰廷老所更下臨汝水俯瞰潁城枕煙亭古搗
帛砧瑩千螺貢媚百鳥弄晴石牀花夢仙磴棋聲飲
石髓液餐林露英又足凝神蓄德澡性怡情其或霧
掃重巖輪迎孤嶠玉鏡空明鐵櫺遊眺雪猿啼洞
煙龍嘯縹緲三臺玲瓏萬竅威鳳笙吹金鰲頭掉雲
髻嗟峨風嵐動搖尤足窮七十二福地三十六洞天
之妙抑或新月倚山歸樵欹笠梅嶺鴉盤松梢猿掛
石髮風梳崖雲密吸傑閣天寬奔泉壁立手寫詩牌
頭濡墨汁百里而遙衆峯可挹萬古青鬢半巖丹

笑口春開林容秋瘦簷節凌寒松髯獻秀二室龍
諸峯虎門壓檻星捫侵簾月透翠滴迴欄丹流仙
青眼看山白雲多壽蓋是樓也建於公廨後州城
官斯土者公餘縱目宴會和衷見夫千村蠅集億
鰥窮固宜心求民瘼化補天功問故壘於漢祖弔
堂於鄭公播坡老之甘雨扇文潛之仁風民不鳴
而裕古庭無雀角而花紅誠學魯陽之退日靈祈
甫之降崧至今秦槐屈曲漢柏彎環許由瓢破李
室間經壇花墜仙館門闕巉巖熊耳點點鴉鬢
讓瑤宮正位兒孫排玉笋清班莫不挾五乳而面
北極效三呼而
壽祝南山

龍興樓

宋崔鷗詩有老去未覺攀躋難一表獨立青冥裏之
句卽咏此也

治政樓

明伊王府敬王時建在長營鎮遺址尙存

鐘樓

明嘉靖年建於東門城上旋圯雍正二年州守章世
麟改建於舊州署前卽今吏目署也鐘鑄於宋靖康

年二

鄭公堂

宋富鄭公弼知汝州植楸數百本於後圃後人思其德建堂於楸林見韻語陽秋志補

此君堂

宋元祐年間州守文公大方建此公岳詩使君新構此君堂手植琅玕竹萬行自有清風祛熱暑獨留直節傲嚴霜青分樹色千枝亞綠上軒窗四面涼金竿交飛賓就醉夜深留待月華光見一統志

雙桂堂

在北門外未詳

巢父亭

雍正元年西街樂局得一石刻宋紹興四年三月初六日赤城羅適題巢父亭詩泊然巢一枝常靜不待息天地存遺井聊以見清德窺者見爾心飲者在爾力何爲病夏畦俯仰無慙色今石移在州同署

思賢亭

宋祥符中州守楊億有賢聲後王珣瑜繼之因建此亭劉敞作記

致雨亭

宋咸平中州守趙况建有蘇轍祈雨文刻石置其中舊志詳宋志補

海虛亭

金興定初防禦完顏公建趙禮部思文作記王秋闕
輝禮部尚書撰趙公文集序云至元丙子夏五月予
考試河南道出臨汝館望嵩樓者再宿歷覽後園
爲塵迹所謂汝海虛舟者於蒼烟老樹中巋然獨存
因得趙公記於壁間倚杖披讀者久之令人想承平
官府之盛見中州文表宋志補

香遠亭

金人定中州守烏古論建亭前有茶麋三株宋子初
取蘇詩無風香自遠句因名此亭舊志古論訛作方
倫亦未載由來按金史烏古論爲金人華言之商姓
完顏者王姓也

崆峒洞

汝南臨汝縣南十八里廣成陂之西垠有小崆峒其
巔洞穴如盎將有大風雨則白犬自穴中出以爲候
亦名玉燭峯云耆老云九春三秋天景晴麗恒有素
霧自山崑起須臾粉堞青甃彌亘數里樓殿輕轆花
木煥爛數息中霧勢映漫不復見矣此神仙窟宅俗
謂廣成子化城鬼白孔六帖

子陵洞

漢嚴子陵隱居於此在城南富春山詳山川

吳公洞

宋鄉賢吳辨叔讀書處也。在城東北風穴山。令狐相如吳公讀書庵記。南梁據嵩高之麓。接潁水之源。西距洛師。近踰百里。而潁汝爲郡山川清秀。土壤膏腴。得天地中和之氣。爲多古。今來人才傑出。嵩高之詩曰。維嶽降神。生甫及申。漢史曰。汝潁多奇士。信乎言之不謬也。通奉大夫吳公。幼孤立。耿介不羣。厭城市喧譁。不能遽於學。乃於風穴山白雲寺後。鑿石爲庵。屏絕塵事。沉酣典籍。每當風清月白。吟聲朗朗。徹金石。山中。人但聞其聲。未嘗識其面也。居數年。藝益淹貫。毅然有匡時之志。乃出應試。卽登上第。時皇祐中國家大興太學。得吳公。胡瑗先生傳授經術。從之者四海雲集。當日公卿皆爲折節。胡公旣沒。訓迪難其人。朝廷以公學行交修。詔直講太學士林悅服。不減曩時。當守之。益器重之。於是內試以省府之職。外委以監司郡守之寄。先後踰三十年。勤勞丁事未嘗一日休於家。後移任荆南方。擬解組歸鄉里。重尋舊隱。與薜蘿爲緣。初願求偕不圖赤虬之遽駕矣。公汝潁人。負經濟才。翱翔中外。盛德之施于民。旣深且渥。宜其

克昌厥後也宣和二年夏五月南關二公復葺其菴而侈大之且奉公之像龕置其中以開潛德而發幽光并爲鄉閭後進之好學者勸昔先考中大夫出公之門辱知極厚今公子孫並躋峻秩相如又以同里得從二公遊不亦幸乎庵旣成二公囑記其事白慙濶陋不足以表揚前哲畧述梗概以誌嚮慕之忱云爾

月牙洞

在潘扈里形似月牙騰雨輒應

鑼鼓洞

有二一在張叶里山半有石穴嘗發聲一在阿二里勝家店洞中有圓石二形肖之擊之聲與凡石異舊志無採

訪補

巢父井

宋宗舜臣常刻王通叟弔巢父文於石置井旁在西門外巢山廟側其水綠色又國初州同署浚井得宋晏元獻公硃題巢父井石刻詩於井中今其井亦名巢父井舊志未詳宋志補晏殊詩稟生值堯年李

性本龐厚安巢一枝土豈曰鶻居陋類被人洗耳曾
不汚牛口諒茲耕耒暇鑿飲在林藪含飴鼓其腹帝
力予何有遂令千載下此地存遺甃泓然逼喬木宛
若棲時舊鄉人揭題勝行旅偕瞻觀我來觀遺蹟愕
立徘徊久淒其望清風古人洵
堪友願樹一勺泉永洗予心垢

聖井

在紫金山上

涉泉

在魚齒山下

龍泉

其水瑩潔中秋之夕陰雲蔽月俯視泉中晃影自若
見一統志在城西南舊志訛在西北宋志補

溫泉

唐武后久視元年臨幸元宗開元十四年冬十月幸
汝州廣成湯泉代宗實錄云上幸汝州之溫泉有望
氣者云宮中有天子氣元宗卽日還宮是夜代宗降
誕金廢帝正隆六年三月幸河南府因出獵幸汝州
溫泉詔汝州凡百五十里州縣量遣商賈赴溫泉置
市熱廬從毋輒離次帝獵汝水有奔鹿驚駕輒血

日在城西溫泉街詩山川舊志未詳宋志補注
詩山前陰火煮靈源昔日曾留萬乘尊歷盡興亡只
如此不隨世

俗變寒溫

風穴

許山川州人任楓有風穴志一編今選其尤者輯爲
一卷附載藝文

洗耳河

許由洗耳處在西門外

太史湖

卽小西湖太史王公所濬亭舍壯麗爲一郡之勝今
俱廢圯而湖存空名在城西北

桃園

詳八景生成東北聖王里

槐閣

巡道署內東首有古槐三株大可數圍巡道楊公嗣
昌建閣於此卽今州署華珂冬日閒望詩攀槐踏閣

興難忘遠最無窮入望蒼萬里寒雲疑暮色一鈎東
月繼斜陽隋唐故寺埋荒草周漢殘碑接廢牆惆悵
當年興替事欲
橫長劍仰蒿邱

汝 審

宋高宗紹興二十一年幸清河郡王張俊第進奉汝
審酒瓶一對洗一香爐一合一香毬一盞四隻孟子
二出香一對大盃一小盃一盞在宋時汝磁已與商
彝周盤同其珍重宜至今日僅存其名耳見太平廣
記又宋葉竄珎參筆衡論汝磁云本朝以定州磁器
有芒不堪用遂令汝州造青審器故河北鄧耀州悉
有之汝審爲魁舊志未詳宋志補督學孫灝詩云青
磁上選無雕飾不是元家始博埴名王作貢紹興年
瓶蓋爐毬動顏色官哥配汝非汝儔聲價當時壓定
州血蟲爲蟲物之靈人巧久絕天難留金盃玉盃世
稱寶翻從泥土求精好審空煙

汝 石

冷其奈何野煤春生古原草
出汝河取供盆玩古色斑爛花紋燦然孫顥詩釣竿
欲試珊瑚赤玉水方流輝蘊玉石不能言淵底沉晶
盤誰遣登瑤席汝波冷冷澈骨清汝石文章五色成
泗濱縱勿薦浮磬彭蠡猶應鼓大聲隋珠照乘不脛
走爾石空留精衛口下品須防換餅羞米袖何當
一揮手按石出邾縣伊陽者多今則少益見珍矣

汝帖

舊凡十二刻明季半爲兵燹所殘順治十年
公承祖修輯之並綴詩跋爲十四刻移置道署卽今
州署西園存古軒壁中所嵌貯者是也孫灝詩望嵩
樓高高入雲舊藏汝帖人間聞松煤揚紙歲萬本官
司厭苦徵求紛樓瓦飄零碑墮地過眼烟雲等閒棄
誰從灰燼拾遺珍石爛猶存古文字十二碑移州廨
中寸幾尺壁光熊熊深簷蓋覆鬼神護岐陽石鼓將
勿同道光戊戌州守白明義來收是邦但見殘碣依
稀不可復識因遍訪縉紳家物色原搨一部重價購
之遂選妙手鈎臨重摹諸石按淳化帖翻刻不一種
而潭絳泉汝其尤著者也潭帖乃頒行潭州時卽摹
刻二本絳帖則宋尙書郎潘師旦以官帖摹刻於家
其後又有東庫新絳等九種皆絳帖之別也泉帖則
以淳化法帖重刻於泉州郡庠者明仁廟已收入秘
府今不得而見之矣獨汝帖乃摘諸帖中字薈萃成
文爲十二刻每卷後有汝州印其後重模於會稽者
卽蘭亭帖是也爰綜其始末而爲之跋曰夫千金之
裘取材乎衆腋尺璧之寶論價於連城以罕見珍惟

精益妙而况筆花墨燦揮學士之珠璣棗刻梨鐫聚
文林之殺俎哉粵攷南唐集古厥祖昇元北宋搜奇
總名淳化太清樓續成秘閣二王府再刻中原美斯
備矣盛莫加焉若汝帖者蓋參乎潭絳泉而分具一
體亦別乎潭絳泉而節取百家賞鑑因心辨豕魚而
無誤源流在目留蟲鳥而皆真祇憐烽火爲灾十二
刻半遭灰劫所幸韓碑重樹二百年尙賸靈光茲則
拂拭蘇文不堪卒讀摩挲松墨猶有餘馨雖米芾重
臺已失廬山之真面而蘭亭片石差同會稽之重摸
則他日者騰翰藻於西園訪珍藏於東庫有不爭先
快靚而復見

紙貴洛陽乎

春店

元孝子黃覺經過母處
詳孝子宋志補

黃陂

歐陽文忠公跋復黃陂記云右復黃陂記唐侯喜撰
故有二十六陂黃陂最大溉田千頃始作於隋至貢
元七年刺史盧虔始復之元和三年建碑喜之文辭
嘗爲昌黎所稱而世罕傳之子之所得者此碑而已

見金石錄舊

志無宋志補

廢梁縣

在子城東本隋承休縣又有梁縣在西南四十五里屬汝州唐貞觀初省縣更承休曰梁見一統志舊志

無宋

志補

流杯池

歐陽文忠公跋汝州溫湯流杯亭侍晏詩云右流杯亭侍晏詩者唐武后久視元年幸汝州溫湯留宴羣

臣應制詩也李嶠序殷仲容書開元十年汝水壘亭

碑遂沉廢至貞元中刺史陸長源以爲嶠之序仲容

之書絕代之寶也乃復立碑建亭又自爲記刻其碑

陰武氏亂唐毒流天下其遺蹟宜爲唐人所棄而長

源當時號稱賢者乃獨愛此者何哉然予今又錄之

者亦以仲容之書可惜是以君子患乎多愛見歐公

金石錄

宋志補

廣成苑

漢桓帝延熹六年車駕幸廣成較獵佳廣成苑在汝州梁縣西見漢陳蕃傳舊志無宋志補